

Lineako programa bat aurkeztu dute Mondragon Unibertsitateko Enpresa Zientzien Fakultateak eta Kooperatibetako Emakume Enpresarien Elkarateak, emakumeen kooperatibak sortzen laguntzeko

2008/11/14

Donostian, 2008ko 14n. Mondragon Unibertsitateko Enpresa Zientzien Fakultateak eta Kooperatibetako Emakume Enpresarien Elkarateak, AMECOOPek, *E-ekintzaileak Gizarte Ekonomian/E-empresadedoras en la Economía Social* izeneko plataforma birtuala aurkeztu dute Donostian, gizarte-ekonomiaren esparruan emakumeen artean ekintzailatza eta autoenplegua sustatuz emakumeen kooperatibak sortzen laguntzeko. Plataformak, doan izanik, bazkide ez direnei ere lagunduko die eta erreminta teorikoak eta praktikoak eskainiko ditu, hala nola, simulazio-tailerrak, kasu praktikoak, proiektuak, pertsonen ekintzailatzarako gaitasunen eta enpresen behar teknologikoen eta finantzarioen diagnosi-azterketak, etab. Horrela, bada, kooperatiba sortzeko interesa dutenek arrakasta izateko beharrezko baldintzetan lan egin dezaten nahi da, eta, nahiz eta bereziki emakumeei zuzendurik dagoen, gizonezko ekintzaileek ere parte hartu ahal izango dute.

Erreminta berri hori aurkezteko, hain zuzen, jardunaldia antolatu dute bi erakundeek bertara inguratu diren guztiei programaren abantailen eta erabileren berri emanteko.

E-ekintzaileak

Plataforma horri esker, nahi dutenek erreminta birtual bat izango dute eskura kooperatiben alorreko ekintzailatzari buruzko edozein kontsulta egiteko. Gainera, zuzeneko bide bat izango dute kooperatibismoari eta enpresak martxan jartzeari buruzko zalantzak eta gaiak argitzeko, esaterako: ekintzailatza-plan bat nola egin, ekintzailatzarako gaitasunetan nola prestatu, denbora-kudeaketari buruzko erremintak, arriskuak kudeaketa, arriskuak hartzeko gaitasuna neurtzeko joko interaktiboak, finantza-alorreko proiektuetan nola parte hartu, blogak, foroak, laguntzarako eskuliburuak, argitalpenak, ideiak trukatzeko gunea, etab.

Batez ere emakumeei zuzenduta dago, eta oso programa erabilgarria da, enpresak sortzeko eta jada sortuta dauden enpresei laguntzeko prestakuntza eta aholkularitza emango duten teknikarientzat.

Jardunaldia

Ostiral honetako jardunaldian izan dira Mondragon Unibertsitateko Zientzien Fakultateko dekanok Lander Beloki eta AMECOOPeko lehendakari Mari Carmen Martin. Gainera, fakultate horretako irakasle Eunate Eliok emakume ekintzaileei eta gizarte-ekonomiak eta kooperatibismoak eskaintzen dituzten aukera berriei buruzko hitzaldia eman du. Ondoren, E-ekintzaileak proiektua eta ekintzailatzarako gaitasunen plana aurkeztu dira.

Kooperatibetako Emakume Enpresarien AMECOOP Elkartea kooperatibetako emakumeek, bai bazkideek bai langileek, osatzen dute, eta lan-kooperatibetan emakumeen parte-hartzea eta sustapena bultzatzea du xede. Haren helburuen artean honako hauek dira aipagarrienak: emakumeen artean lan-kooperatibak sustatzea, eta norberak bere enplegua kudeatzea; gogoetarako elkarguneak sortzea; ekonomian emakumeen parte-hartzea sustatzea; autoenpleguan interesaturiko emakumeei zuzenduriko programak eta proiektua garatzea; beste emakume-erakunde batzuekin lankidetzabideak ezartzea; kooperatiben mugimenduaren barruan genero ikuspegia sartzea eta Espainiatik kanpoko kooperatiben alorreko beste emakume



batzuekin lankidetzan jardutea.

Nazioarteko Kooperatiba Aliantzaren estimazioen arabera, mundu osoko 800 milioi pertsona kooperatibaren bateko kide dira. Hau da, munduko biztanleriaren % 12 kooperatibista da. Kooperatibek mundu osoan sortzen eta mantentzen dituzte enpleguak eta 100 milioi pertsonari baino gehiagori ematen die lana, gai horretan enpresa multinazionalak eskaintakoaren % 20. Estatuan bakarrik 18.000 lan-kooperatiba inguru daude, eta 266.000 pertsonari ematen die lana.